

ԱՐԱ ԶՈՂՐԱԲՅԱՆ ՄԵՐ ԶԵՆՔԸ ՊԵՏՔ Է ԼԻՆԻ ՄԵՐ ԳԻՏԵԼԻՔԸ, ԱՅԼ ՃԱՆԱՊԱՐՀՆԵՐ ԵՍ ՉԵՍ ՏԵՍՆՈՒՄ

14.06.2014 13:24



Հայաստանի Հանրապետության փաստաբանական դպրոց հիմնադրամի 2-րդ շրջանավարտները, որոնք հանձնել էին որակավորման քննությունները, այսօր հունիսի 14-ին հանդիսավոր պայմաններում ստացել են փաստաբանական գործունեության արտոնագրեր: ՀՀ փաստաբանների պալատի խորհրդի նիստի օրակարգում եղել է փաստաբանի հավակնորդներին փաստաբանական գործունեության արտոնագրեր տրամադրելու հարցը: Խորհրդի անդամները միաձայն կողմ են քվեարկել օրակարգի հարցի վերաբերյալ, ինչի արդյունքում խորհուրդը որոշել է հավակնորդներին տրամադրել փաստաբանական գործունեության արտոնագրեր: Հավակնորդների երդմանը հաջորդել է փաստաբանի գործունեության արտոնագրերի հանձնման արարողությունը:

Հայաստանի Հանրապետության փաստաբանական համայնքը համալրվել է 56 փաստաբաններով: Շնորհավորելով արդեն փաստաբան դարձած իր գործընկերներին՝ ՀՀ փաստաբանների պալատի նախագահ Արա Զոհրաբյանը նշել է, - 'Այսօր մեր համայնքը համալրվում է 56 'մարտիկներով': Դուք գիտեք, որ փաստաբանի աշխատանքը շատ դժվար է. ինչպես փաստաբան- վստահորդ, այնպես էլ փաստաբան- դատարան հարաբերություններում և մեր զենքը պետք է լինի մեր գիտելիքը, այլ ճանապարհներ ես չեմ տեսնում: Փաստաբանների պալատը չի ներելու կոռուպցիոն գործարքների մեջ գտնվող փաստաբաններին':

Փաստաբան դարձած իր գործընկերներին շնորհավորել է նաև Փաստաբանական դպրոց հիմնադրամի տնօրեն Սիմոն Բաբայանը՝ Փաստաբանական դպրոցը ավարտելու և փաստաբանական համայնքի շարքերը համալրելու կապակցությամբ: 'Առկա օրենսդրական զարգացումների և իրավական համակարգերի կատերալագործումը ձեզ առաջադրել է բարդագույն խնդիր. ըստ արժանվույն իրականացնել ձեր առաքելությունը: Փաստաբանական դպրոցի հարթակում ձեռք բերած ձեր հմտությունները ծառայեցրեք ձեր նպատակին: Իրականացրեք ձեր իրավապաշտպան գործունեությունը՝ պահպանելով անկախության, օրինապահության, անաչառության սկզբունքները', - նշել է Սիմոն Բաբայանը: Խոսելով փաստաբանական դպրոցի դիրքի ու զարգացման մասին՝ փաստաբանական դպրոցի տնօրենը փաստել է, - 'ակնհայտ է, որ փաստաբանական ինստիտուտը զբաղեցնում է իր տեղը մեր հասարակությունում: Դրա վառ ապացույցն է փաստաբանական դպրոցի

տեխնիկապես լավագույնս հագեցվածությունը: Օր
օրի մեծանում է պետության ուշադրությունը
փաստաբանական ինստիտուտի նկատմամբ: Առանց
փաստաբանների դժվար է պատկերացնել
օրենսդրական փոփոխություն կամ բարեփոխում՝
ելույթ են ունեցել նաև Հայաստանի փաստաբանների
պալատի խորհրդի անդամներ Նիկոլայ
Բաղդասարյանը, Կարեն Մեծլումյանը և Մարտուն
Փանոսյանը:
Հավակնորդների երդման արարողությանը ներկա է
եղել նաև ՀՀ արդարադատության նախարար
Հովհաննես Մանուկյանը և նախարարի տեղակալ
Արսեն Մկրտչյանը:











Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })